

Bišćević u Pragu



Hido Bišćević: Uloga RCC-a postaje sve značajnija

Ubrzati reforme u regionu

Zemlje jugoistočne Evrope trebaju bržu primjenu reformi da bi se ubrzale evropske integracije i izbjegla opasnost od stagnacije i statusa quo, istakao Bišćević

Jugoistočnoj Evropi potrebno je brže provođenje reformi da bi ubrzala integraciju s EU i izbjegla opasnu stagnaciju, rekao je glavni tajnik Vijeća za regionalnu suradnju (RCC) Hido Bišćević na konferenciji o proširenju EU u Pragu, a koju su organizirali Češka Republika, naredni predsjedavajući Evropske unije, i nevladina organizacija Ano pro Europu, prenosi Fena.

Kako je saopćeno iz RCC-a, razgovori su bili fokusirani na napredak koji su ostvarile zemlje jugoistočne Evrope na svom putu ka potpunim evropskim integracijama.

U svom uvodnom obraćanju, komesar EU za proširenje Olli Rehn primijetio je značajan napredak u ovom procesu, ali i naglasio da se s ovim trendom treba nastaviti i održati ga.

Glavni tajnik Bišćević naglasio je da se zemlje jugoistočne Evrope, a naročito one na prostoru bivše Jugoslavije, nalaze na

odlučujućoj raskrsnici.

–Ova raskrsnica zahtijeva bržu primjenu reformi da bi se ubrzale evropske integracije i izbjegla opasnost od stagnacije i statusa quo, što može biti štetno za budućnost regiona. Uloga RCC-a postaje sve značajnija jer pretpostavlja objedinjavanje podrške ključnih međunarodnih institucija i organizacija s naporima zemalja iz regiona, smatra glavni tajnik RCC-a.

Konferenciju je otvorio zamjenik premijera za evropska pitanja Češke Republike Alexandr Vondra, a moderirao prvi zamjenik češkog ministra vanjskih poslova Tomaš Pojar.

Među članovima panela bili su i Davor Božinović, državni sekretar za evropske integracije Republike Hrvatske, Milica Delević, pomoćnica ministra vanjskih poslova Srbije, i Stefan Lehne, direktor Radne grupe za Balkan i centralnu Evropu Generalnog sekretarijata Vijeća EU.